

第五三六册

博物彙編

草木典

葱部

蒜部

蘇部

薑部

芥部

葛部

蒿部

薇部

蕞部

藟部

芹部

藻部

(卷)

吳

毛

兕

兕

兕

兕

兕

兕

兕

兕

兕

兕

古今圖書集成

中華書局影印

Z 225
3

欽定古今圖書集成博物彙編草木典

第五十六卷目錄

葱部彙考

葱圖

山葱圖

水葱圖

樓葱圖

胡葱圖

禮記 典禮 內則

爾雅 釋草

山海經 北山經

賈思勰齊民要術 雜錄 食次總非貴法

羅願爾雅翼 葱 茗

王世懋瓜蔬疏 葱

王圻三才圖會 葱

徐光啓農政全書 葱

本草綱目 葱 蒜葱 胡葱

葱部藝文 詩

葱

葱部選句

葱部紀事

葱部雜錄

葱部外編

宋陸游

草木典第五十六卷

葱部彙考

釋名

葱 晚記

山葱 爾雅

菜伯 綱目

鹿胎 綱目

漢葱 綱目

沙葱 李時珍

樓葱 綱目

龍爪葱 吳瑞

胡葱 綱目

回回葱 飲膳正要

大官葱 李時珍

木葱 李時珍

茗 爾雅

花 綱目

和事草 清異錄

凍葱 蘇恭

冬葱 韓保昇

水葱 李時珍

羊角葱 吳瑞

龍角葱 江表名

蒜葱 綱目

水晶葱 江西名

慈葱 李時珍

葱圖




山葱圖




水葱圖



樓葱圖



胡蔥圖



禮記

曲禮

凡進食之禮蔥漆處末

注漆亦蔥也漆在豆處醢醬之左

內則

凡膳春用蔥秋用芥又脂用蔥膏用雍

全大氏曰蔥以氣達為蔥芥以味辛為介春物方

生故宜食性之怒者秋物方成故宜食性之介者

肉腥細者為膾大者為軒或曰麋鹿魚為葷廣為辟

雞野豕為軒免為宛脾切蔥若薤實諸醢以柔之

注或用蔥或用薤肉與蔥皆置之醋中浸漬則柔

軟矣

爾雅

釋草

蒼山蔥

注今山中多有此菜如人家所種者蒼蔥細莖大

葉

是也

山海經

北山經

邊春之山多蔥葵韭

北單之山無草木多蔥韭

賈思勰齊民要術

種蔥

廣志曰蔥有冬春二種有胡蔥木蔥山蔥晉令曰

有紫蔥

收蔥十必薄布陰乾勿令泥鬱

此蔥性熱勿喜泥鬱泥鬱則不生

其擬種之地必須春種綠豆五月種殺之比至七月

耕數遍一畝用子四五升

其田五升薄地四升

炒穀伴和之

蔥子性溫不以穀和而下不均調不炒穀則草穢生

兩棧重穢數瓠下之以批契繼腰曳之七月納種至

四月始鋤鋤遍乃剪剪與地平

高留則無菜深剪則傷根

剪欲旦起避熱時畏地三剪薄地再剪八月止

不剪則不茂剪過則根跳若八月不止則蔥無袍

而損白

十二月盡掃去枯葉枯袍

不去枯葉春葉則不茂

二月三月出之

畏地二月出薄地三月出

收于者別留之蔥中亦種胡荽尋手供食乃至孟冬

崔寔曰二月別小蔥六月別大蔥七月可種大小蔥

夏蔥曰小冬蔥曰大

食大蔥非煮法

下油水中煮蔥韭分切沸俱下與胡片鹽豉研米糝

粒大如粟米

羅願爾雅翼

蔥

蔥本白而未青青色尤美爾雅曰青謂之蔥古者佩

玉有蔥珩以玉色如蔥得各馬之青驅稱騁亦取義

於蔥而望氣者言鬱鬱蔥蔥言條暢也古作膾春用

蔥脂亦用蔥葷軒辟難宛脾皆切蔥薤實諸醢以柔

之物之用蔥者多故禮為君子擇蔥薤則絕其本末

至進食之禮蔥漆處末漆亦蔥也在豆處醢醬之左

言末者殊加也漢世大官園種冬生蔥韭菜如覆以

屋廡晝夜襲繖火待溫氣乃生召信臣為少府以為

此皆不時之物有傷於人不宜以奉供養奏罷之漢

孔奮為姑臧長妻于但食蔥菜而義熙中太常謝澹

坐遣四人還家種蔥菜免官人之食廉不同如此

答

蒼山蔥釋者引說文云蔥生山中者名蒼細莖大葉

者是也蔥有冬蔥漢蔥胡蔥蒼蔥凡四種冬蔥夏蔥

冬盛莖葉俱軟美山南江左有之漢蔥冬枯其莖實

硬而味薄胡蔥莖葉雖短根若金蒜能已腫蒼蔥生

於山谷不入藥用管子云齊威公五年北征山戎出

冬蔥與戎菽布之天下也戎菽胡豆也與冬蔥皆得

之山戎古者此等通名草菜西方則以大蒜小蒜與

菜蔥蔥蒼蔥列為五章以為祭之則發淫生噉增患

皆有損於性情故絕而不食今北方好生食葷菜雖其天性猶戾亦食性所染致然故鴉食桑椹則葷暴鳩食之則好淫醒醐發性中藥義性皆其類故為教者因其所甚謹而戒之今道家亦有五葷乃謂韭蒜芸薑胡荽薤也無荽葱等此自隨中國所多者為說故不同焉

葱

葱蒜薤與韭雖俱五葷而為人所常用王圻三才圖會

蔥

蔥處處有之蔥有數種入藥用山蔥胡蔥食品用凍蔥漢蔥山蔥生山中細莖大葉食之香美於常蔥一名荅蔥爾雅所謂荅山蔥是也胡蔥類食蔥而莖葉微短凍蔥氣味最佳一名冬蔥又有一種樓蔥江南人呼龍角蔥言其苗有八角也味辛溫無毒主明目補中其莖蔥白主傷寒寒熱出汗骨肉痛喉痹不通安胎除肝邪氣利五藏殺百藥毒蔥汁主瀉血解毒

徐光啓農政全書

蔥

說文曰蔥葷菜也其色蔥蔥然故名蔥淺綠色凡四種山蔥胡蔥漢蔥凍蔥一名孔一名鹿胎王禎曰山蔥宜入藥胡蔥亦然食惟用漢蔥凍蔥耳漢蔥木蔥也漢蔥葉大而香薄冬即葉枯宜供齋食凍蔥葉細而益香又宜過冬比漢為勝或名大官蔥四時類要曰種蔥炒穀攪勻塞攢一眼於一眼中種

之他月蔥出取其塞攢一眼之地中土培之疎密恰好又不勞移

王禎曰種法先以子畦種移栽却作溝壟壟而壟俱成大蔥皆高尺許曰亦如之宿根在地來春併得作種移栽之

又曰蔥種不拘時先去元鬚微曬疎行密排種之宜糞培養豬糞雞鴨糞和粗糠壅之

本草綱目

葱釋名

李時珍曰蔥從怒外直中空有怒通之象也孔者草中有孔也故字從孔孔豚象之葱初生曰蔥針葉曰蔥青衣曰蔥袍莖曰蔥白葉中涕曰蔥茸諸物皆宜故云菜伯和事

集解

蘇恭曰蔥有數種山蔥曰荅蔥療病似胡蔥其人間食蔥有一種一種凍蔥經冬不死分莖栽時而無子一種漢蔥冬即葉枯食用入藥凍蔥最善氣味亦佳也

韓保昇曰蔥凡四種冬蔥即凍蔥也夏冬盛莖葉俱軟美山南江左有之漢蔥莖實硬而味薄冬即葉枯胡蔥莖葉粗硬根若金燈荅蔥生於山谷不入藥用

蘇頌曰入藥用山蔥胡蔥食品用冬蔥漢蔥又有一種樓蔥亦冬蔥類江南人呼為龍角蔥荆楚間多種之其皮亦每莖上出岐如八角故云端曰龍角即龍爪蔥又名羊角蔥莖上生根移下時之李時珍曰冬蔥即蔥蔥或名大官蔥謂其莖葉細而

香可以經冬大官上供宜之故有數名漢蔥一名木蔥其莖粗硬故有木名冬蔥無子漢蔥春末開花成叢青白色其子味辛色黑有皺文作三瓣狀收取陰乾勿令泄鬱可種可栽

葱莖白氣味

辛平葉溫根平並無毒陶弘景曰蔥有寒熱白冷青熱傷寒湯中不得用青也

寇宗奭曰蔥主發散多食昏人神

孟詵曰蔥宜冬月食不可過多損鬚髮發人虛氣上沖五臟閉絕為其開骨節出汗之故也

孫思邈曰正月食生蔥令人面上起游風生蔥同蜜食作下利燒蔥同蜜食壅氣殺人

張仲景曰生蔥合棗食令人病合大雉肉食多令人病血

李時珍曰服地黃常山人忌食葱

主治

本經曰作湯治傷寒寒熱中風面目浮腫能出汗

別錄曰傷寒骨肉碎痛喉痹不通安胎歸目益目睛除肝中邪氣安中利五臟殺百藥毒根治傷寒頭痛大明曰主天行時疾頭痛熱狂霍亂轉筋及奔豚氣脚氣心腹痛目眩止心迷悶

孟詵曰通關節止衄血利大小便

李杲曰治陽明下痢下血

甯原曰達表和裏止血

李時珍曰除風濕身痛麻痺癰積心痛止大人陽脫陰毒腹痛小兒盤腸內釣婦人妊娠漏血通乳汁散

乳癰利耳鳴塗獮犬傷制蚯蚓毒
陳士良曰殺一切魚肉毒

發明

張元素曰葱莖白味辛而甘平氣厚味薄升也陽也入手太陰足陽明經專主發散以通上下陽氣故活人書治傷寒頭痛如破用連翹葱白湯主之張仲景治少陰病下利清穀裏寒外熱厥逆脈微者白通湯主之內用葱白若面色赤者四逆湯加葱白腹中痛者去葱白成無已解之云腎惡燥急食辛以潤之葱白辛溫以通陽氣也

李時珍曰葱乃釋家五葷之一生辛散熱甘溫外實中空肺之菜也肺病宜食之肺主氣外應皮毛其合陽明故所治之證多屬太陰陽明皆取其發散通氣之功通氣故能解毒及理血病氣者血之帥也氣通則血活矣金瘡磕損折傷血出疼痛不止者王季羣一方用葱白沙糖等分研封之去癰立止更無痕癥也葱葉亦可用又葱管吹鹽入玉莖內治小便不通及轉脰危急者極有應效余常用治數人得驗

葉主治

陳日華曰煨研傳金瘡水入破腫鹽研傳蛇蟲傷及中射工溪毒

蘇頌曰主水病足腫

孫思邈曰利五臟益目精發黃疸

發明

蘇頌曰煨葱治打撲損見劉禹錫傳信方云得於崔給事取葱新折者崔火煨熱剝皮其間有涕便將罨損處仍多煨續易熱者崔云項在澤潞與李抱

眞作判官李相方以毯杖按毯子其軍將以杖相格因傷李相指并爪甲劈裂連索金瘡藥裹之強索酒飲而面色愈青忍痛不止有軍吏言此方遂用之三易面色却赤斯須云已不痛凡十數度用熱葱并涕纏裹其指遂畢席笑語

李時珍曰按張氏經驗方云金瘡折傷血出用葱白連葉煨熱或鍋烙炒熱搗爛傳之冷即再易石城尉戴堯臣試馬損大指血出淋漓余用此方再易而痛止翼日洗面不見痕跡宋推官鮑縣尹皆得此方每有殺傷氣未絕者亟食用此活人甚衆又人頭目重悶疼痛時珍每用蔥葉插入鼻內二三寸并耳內氣通即便清爽也

汁氣味

辛溫滑無毒

主治

別錄曰溺血飲之解黎蘆及桂毒

陶弘景曰能消玉爲水化五石仙方所用

李時珍曰散瘀血止衄止痛治頭痛耳聾消痔漏解衆藥毒

發明

李時珍曰葱汁即蔥涕功同葱白古方多用蔥涎丸藥亦取其通散上焦風氣也勝金方取汁入酒少許滴鼻中治衄血不止云即覺血從腦散下也又唐璠經驗方以蔥汁和蜜少許服之亦佳云鄰蠅用此甚效老僕試之亦驗二物同食害人何以能治此疾恐人脾胃不同非甚急不可輕試也
唐慎微曰三洞要錄云葱者菜之伯也能消金錫玉

石神仙消金玉漿法於冬至日以童盧盛葱汁及根埋庭中大年夏至發出盡化爲水以法消金玉銀青石各三分自消矣暴乾如飴食之可休糧亦曰金漿也

類主治

孟詵曰通氣

李時珍曰療飽食房勞血滲入大腸便血腸癖成痔口乾研末每服二錢溫酒下

花主治

蘇頌曰心脾痛如錐刀刺腹服用一升同吳茱萸一升水八合煎七合去滓分三服立效出崔元亮方

實氣味

辛大溫無毒

主治

本經曰明目補中氣不足

陳日華曰溫中益精

孫思邈曰宜肺歸頭

附方

感冒風寒初起即用葱白一握淡豆豉半合泡湯服之取汗蘇頌方

傷寒頭痛如破者連翹葱白半斤生薑二兩水煮溫服蘇頌方

服法

時疾頭痛發熱者以連根葱白二十根和米煮粥入醋少許熱食取汗即解蘇頌方

數種傷寒初起一二日不能分別者用上法取汗

傷寒勞復因交接者腹痛卵腫用葱白搗爛苦酒一盞和服之千金方

此為試讀，需要完整PDF請訪問：www.ertongbook.com

風濕身痛生葱搗爛入香油數點水煎調川芎薊薈

金末一錢服取吐升法

妊娠傷寒赤斑變為黑斑尿血者以葱白一把水三

升煮熱服汁食葱令盡取汗升法

六月孕婦困篤難救者葱白一大握水三升煎一升

去滓頓服升法

胎動下血痛搶心用葱白煮濃汁飲之未死即安

已死即出未效再服一方加川芎一方用銀器同米

煮粥及羹食升法

卒中惡死或先病或平居寢臥奄忽而死皆是中惡

急取葱心黃刺入鼻孔中男左女右入七八寸鼻中

血出即甦又法用葱刺入耳中五寸以鼻中血出

即活也如無血出即不可治矣相傳此扁鵲秘方也

無效

小兒卒死無故者取葱白納入下部及兩鼻孔中氣

通或噎即活升法

小兒盤腸內釣腹痛用葱湯洗兒腹仍以炒葱搗貼

臍上良久尿出痛止升法

陰毒腹痛厥逆脣青脚縮六脈欲絕者用葱一束去

根及青留白二寸烘熱安臍上以熨斗火熨之葱壞

則易良久熱氣透入手足溫有汗即瘳乃服四逆湯

若熨而手足不溫不可治升法

脫陽危證凡人大吐大泄之後四肢厥冷不省人事

或與女子交後小腹腎痛外腎痛縮冷汗出厥逆須

臍不救先以葱白炒熱熨臍後以葱白三七莖搗爛

用酒養灌之陽氣即回此華佗救卒病方也

卒心急痛牙關緊閉欲絕以老葱白五莖去皮鬚搗

膏以匙送入咽中灌以麻油四兩但得下咽即甦少

頃蟲積皆化黃水而下永不再發累得救人升法

霍亂煩躁坐臥不安葱白二十莖大棗二十枚水三

升煎二升分服升法

蛇蟲心痛用葱莖白二寸鉛粉二錢搗丸服之即止

葱能通氣粉能殺蟲也升法

腹皮麻痺不仁者多煮葱白食之即自愈升法

小便閉脹不治殺人葱白三斤剉炒帕盛二箇更互

熨小腹氣透即通也升法

大小便閉搗葱白和酢封小腹上仍灸七壯升法

大腸虛閉用氣散用連鬚葱一根薑一塊鹽一捻淡

鼓三七粒搗作餅烘掛臍中紮定良久氣通即通不

通再作升法

小兒虛閉葱白三根煎湯調生蜜阿膠末服仍以葱

頭染蜜插入肛門少頃即通升法

急淋陰腫泥葱半斤煨熱搗爛貼臍上升法

小便淋瀝或有白者以赤根樓葱近根截一寸許安

臍中以艾灸七壯升法

小兒不尿乃胎熱也用大蔥白切四片用乳汁半盞

同煎片時分作四服即通不飲乳者服之即飲乳若

臍四旁有青黑色及口撮者不可救也升法

腫毒尿閉因腫毒未潰小便不通用葱切入麻油煎

至黑色去葱取油特塗腫處即通升法

水腫病腫葱根白皮煮汁服一盞當下水出病已困

者取根搗爛坐之取氣水自下升法

陰囊腫痛葱白乳香搗塗即時痛止腫消又方用

煨葱入鹽杵如泥塗之

小便溺血葱白一握爵金一兩水一升煎二合溫服

一日三次升法

腸痔有血葱白三斤煮湯熏洗立效升法

赤白下痢葱白一握細切和米煮粥日日食之升法

便毒初起葱白炒熱布包敷數次乃用傳藥即消

永類方用葱根和蜜搗傳以紙密護之外服通氣藥

即愈

癰疽腫硬烏金散治癰癰腫硬無頭不變色者米粉

四兩葱白一兩同炒黑研末醋調貼一伏時又換以

消為度升法

一切腫毒葱汁漬之日四五度

乳癰初起葱汁一升頓服即散升法

疔瘡惡腫刺破以老葱生蜜杵貼兩時疔出以醋湯

洗之神效升法

小兒禿瘡冷泔洗淨以羊角葱搗泥入蜜和塗之神

效升法

刺瘡金瘡百治不效葱煎濃汁漬之甚良

金瘡瘀血在腹者大蔥白二十枚麻子三升杵碎水

九升煮一升半頓服當吐出膿血而愈未盡再服升法

血毒怪病人偏身忽然肉出如雞既痒且痛不能飲

食名血毒不速治必潰膿膿血以赤皮葱燒灰淋洗飲

豉湯數盞自安升法

解金銀毒葱白煮汁飲之升法

腦破骨折蜜和葱白搗勻厚封立效升法

自縊垂死葱心刺耳鼻中有血出即甦升法

水病足腫葱葉煮湯漬之日三五次妙升法

第五三六冊 之〇三集

小便不通葱白連葉搗爛入蜜合外腎上即通承方
瘡傷風水腫毒取葱青葉和乾薑黃藥等分煮湯洗立愈本草

蜘蛛咬瘡傷身生瘡青葱葉一莖去尖入蚯蚓一條在內待化成水取點咬處即愈李時珍

代指毒痛取萎黃葱葉煮汁熱漬之千金

衄血不止方見上

金瘡出血不止取葱炙熱投汁塗之即止方

火灼丹毒從頭起者生葱汁塗之

痔瘻作痛葱凝白蜜和塗之先以木蘸子煎湯熏洗其冷如水即效一人苦此早間用之午刻即安也唐

解鉤吻毒面青口噤欲死以葱涕啖之即解千金

喉中腫塞氣不通者葱鬚陰乾為末每用一二錢入蒲州膽礬末一錢和勻每用一字吹之方

眼暗補中葱子半升為末每取一匙煎湯一升半去滓入米煮粥食之亦可為末蜜丸梧子大食後米湯服一二九日三服心食

蒜葱集解

韓保昇曰蒜葱生山谷不入藥用

蘇頌曰爾雅云蒼山蔥也說文云蒼蔥生山中細莖大葉食之香美於常蔥宜入藥用

李時珍曰蒜葱野蔥也山原平地皆有之生沙地者名沙蔥生水澤者名水蔥野人皆食之開白花結子如小蔥頭世俗不察胡蔥即蒜蔥誤指此為胡蔥詳見胡蔥下保昇言不入藥用蘇頌言入藥宜用山蔥胡蔥今攷孫思邈千金食性自有蒜蔥功用而諸本

失收今采補之

氣味

辛微溫無毒

李時珍曰佛家以蒜蔥為五葷之一見蒜下

主治

孫思邈曰除瘴氣惡毒久食強志益胆氣

蘇恭曰主諸惡氣狐尿刺毒山溪中沙蟲射工等毒煮汁洗或搗傳大效亦兼小蒜菜更葷不獨用也

子氣味

同葱

主治

孫思邈曰洩精

胡蔥釋名

李時珍曰按孫真人食忌作胡蔥因其根似葫蒜故也俗稱蒜蔥正合此義元人飲膳正要作回回蔥似言其來自胡地故曰胡蔥耳

集解

孟詵曰胡蔥生蜀郡山谷狀似大蒜而小形圓皮赤稍長而銳五月六月採

韓保昇曰蔥凡四種冬蔥夏枯漢蔥冬枯胡蔥莖葉粗短根若金燈蒜蔥生於山谷

蘇頌曰胡蔥類食蔥而根莖皆細白或云根莖微短如金燈或云似大蒜而小皮赤而銳

李時珍曰胡蔥即蒜蔥也孟詵韓保昇所說是矣非野蔥也野蔥名各蔥似蔥而小胡蔥乃人種時八月下種五月收取葉似蔥而根似蒜其味如薤不甚臭江西有水晶蔥蒜根蔥葉蓋其類也李廷飛延壽書

言胡蔥即薑音子蓋因相似而誤爾今俗皆以野蔥為胡蔥因不識蒜蔥故指蒜蔥為之謬矣

修治

雷斅曰凡採得依紋聲碎用綠梅子相對拌蒸一伏時去梅子砂盆中研如膏凡器曬乾用

氣味

辛溫無毒

李時珍曰生則辛平熟則甘溫

孟詵曰亦是薰物久食損神傷性令人多忘損目明絕血脈發痼疾患狐臭惡齒人食之轉甚

孫思邈曰四月勿食胡蔥令人氣喘多驚

主治

孟詵曰溫中下氣消穀能食殺蟲利五臟不足氣

韓保昇曰療腫毒

發明

李時珍曰方術煮溪澗白石為糧及煮牛馬驢骨令軟皆用胡蔥則亦軟堅之物也陶弘景言蔥能化五石消桂為水則是諸蔥皆能軟石故今人採各蔥煮石謂之胡蔥也

子主治

孟詵曰中諸肉毒吐血不止萎黃瘁者以一升水煮冷服半升日一夜一血定乃止

附方

身面浮腫小便不利喘急用胡蔥十莖赤小豆二合消石一兩以水五升煮蔥豆至熟同搗成膏每空心溫酒服半匙方

蔥部藝文詩

蔥

宋陸游

瓦盆麥飯伴鄰翁黃菌青蔬放筋空一事尚非貧賤
分毫羹僭用大官葱

蔥部選句

宋謝靈運撰征賦寒蔥標情以凌陰

唐曹唐詩隴上沙蔥葉正齊

宋蘇軾詩總角餐家三小童口吹蔥葉送迎翁

章惇詩井丹已厭嘗蔥葉庾亮何勞惜蘿根

陳師道詩已辦羹餅燒油蔥

元耶律楚材詩勻和豌豆揉蔥白

蔥部紀事

管子齊桓公五年北伐山戎出冬蔥與戎菽布之天下

莊子春月飲酒茹蔥以通五藏

徐無鬼見魏武侯武侯曰先生居山林食芋栗厭蔥

韭以資寡人久矣今老耶其欲干酒食之味耶其寡

人亦有社稷之福耶

漢書龔遂傳遂爲渤海太守勸民務農桑令口種五

十本蔥

召信臣傳大官園種冬生蔥韭菜茹覆以屋廡晝夜
襲蘊火待溫氣乃生信臣以爲此皆不時之物有傷
於人不宜以奉供養
後漢書井丹傳丹性清高未嘗修刺候人建武末五
王皆好賓客更遣請丹不能致信陽侯陰就以外戚
貴盛乃詭說五王求錢千萬約能致丹而別使人要
劫之丹不得已既至就故爲設麥飯蔥葉之食丹推
去之曰以君能供甘旨故來相過何其薄乎更置盛
饌乃食

陸績傳績詣洛陽詔獄母至京師作饋食付門卒以
進績對食悲泣不能自勝使者怪而問其故績曰母
來不得相見故泣耳使者大怒以爲獄門吏卒通傳
意氣召將案之績曰因食餉羹識母所自調和故知
來耳非人告也使者問何以知母所作乎績曰母常
截肉未嘗不方斷蔥以寸爲度是以知之

春秋元命苞天門山上有蔥所種畦隴悉著行人拔
取者悉絕若請神而未即不投自出奇異辛香
東觀漢記孔奮字君魚爲姑臧長前長居官數月輒
致貨產畜在姑臧四歲財物不增唯老母極膳妻子
但食蔥菜或嘲奮曰量脂膏中不能自潤

華陽國志先主歸曹公公以爲豫州牧公謀臣程昱
郭嘉勸公殺先主公慮失英豪望不許袁術自淮南
欲經徐州北就袁紹獻帝舅車騎將軍董承受命衣
帶中密詔當殺公承先與先主及長水校尉种輯將
軍吳子蘭王子服等同謀以將行未發公從容謂先
主曰天下英雄惟使君與操本初之徒不足數也先
主方食失匕箸會天震雷先主曰聖人言迅雷風烈

必變良有以也一震之威乃至于此也公亦悔失言
先主還公使視之見其方披蔥使斯人爲之不端正
舉仗擊之公曰大耳翁未之覺也其夜先主急東行
昱嘉復言之公馳使追之不及

盧諶祭儀秋祠和羹羹蔥
晉書佛圖澄傳石勒僭稱趙天王行皇帝事敬澄彌
篤時石聰將叛澄誡勒曰今年蔥中有蟲食必害人
可令百姓無食蔥也勒班告境內慎無食蔥俄而石
聰果走勒益重之事必諄而後行號曰大和尚

晉令居洛陽內園菜欲以當課者聽其引長流灌紫
蔥可各三畝
廣志休循國居蔥嶺東其山多大蔥
西河舊事蔥嶺在燉煌西八十里其山高大上生蔥
故曰蔥嶺

後秦錄姚興種蔥皆化爲韭其後兵戈日盛
梁書呂僧珍傳僧珍授使持節平北將軍南兖州刺
史僧珍在任平心率下不私親戚從父兄于宏以販
蔥爲業僧珍既至乃棄業欲求州官僧珍曰吾荷國
重恩無以報效汝等自有常分豈可妄求叨越但當
速反蔥肆耳

義熙起居注十年有司奏太常謝贍遺四人還家種
蔥菜免官
三國世略後周宣帝大象年左衛園中蔥變作韭
隋書王劭傳劭拜著作郎上表言符命曰稽覽圖云
治道得則陰物變爲陽物鄭元注云蔥變爲韭亦是
謹案自六年以來遠近山石多變爲玉石爲陰玉爲
陽又左衛園中蔥皆變爲韭上覽之大悅賜物五百

段

唐書郭子儀傳子儀子曜居喪以禮疾甚或勸茹葱薤終不屬口

張允濟傳允濟仕隋爲武陽令允濟過道旁有姚廬守所蒔葱因教曰第還舍脫有盜當告令姚謝歸俄大亡葱允濟召十里內男女盡至物色驗之果得盜者

屈突通傳通蒞官勁正有犯法者雖親無所回縱其弟蓋爲長安令亦以方嚴顯特爲語曰寧食三斗艾不見屈突蓋寧食三斗葱不逢屈突通

西域傳泥婆羅遣使入獻波稜酢菜渾提葱

清異錄盤蔬葱趙魏間有之矮如拄杖蠶但盈尺耳元史憲宗本紀皇子阿速帶因獵獨騎傷民稼帝見讓之遂撻近侍數人士卒有拔民葱者卽斬以徇由是秋毫無敢犯

西鄉縣志硃砂山西南八十里有野蔥野韭居民採食與家菜無異但長大耳

葱部雜錄

禮記少儀爲君子擇蔥薤則絕其本末

淮南子君子之於善也猶采薪者見青蔥則拔之

酉陽雜俎山上有蔥下有銀

清異錄蔥和羹衆味若藥劑必用甘草也所以文言曰和事草

吳下田家志種蔥宜甲子甲申己卯辛未辛巳辛卯

葱部外編

列仙傳阮丘蛆山上種葱百餘年乃去

漢武內傳西王母曰仙人上藥有元都綺葱

續搜神記新野趙真家園中所種葱未經抽拔忽一日盡縮入地後經歲餘真之兄弟自相分散

欽定古今圖書集成博物彙編草木典

第五十七卷目錄

蒜部彙考

小蒜圖

爾雅

大戴禮記

崔豹古今注

賈思勰齊民要術

羅願爾雅翼

多能鄙事

王世懋瓜蔬疏

王圻三才圖會

徐光啓農政全書

本草綱目

高濂遵生八牋

大蒜圖

羅願爾雅翼

王圻三才圖會

本草綱目

老鴉蒜圖

徐光啓農政全書

本草綱目

蒜部藝文

頃在嶠南其人好食檳榔合蠟灰羹糜食之輒

昏然已而醒快三物合和睡如膿血可厭今來

蜀道又爲食蒜者所薰戲題 宋范成大

蒜部紀事

蒜部雜錄

蒜部外編

草木典第五十七卷

蒜部彙考

釋名

蒜

卵蒜

宅蒜

葫

老鴉蒜

烏蒜

小蒜圖

山蒜

小蒜

澤蒜

大蒜

石蒜

一枝箭



爾雅

釋草

萬

今山中多有此菜如人家所種者

葷菜也一云菜之美者雲夢之葷菜生山中者名

葷

大戴禮記

夏小正

十二月納卵蒜卵蒜也者本如卵者也納者何也納

之君也

崔豹古今注

卵蒜

蒜卵蒜也俗人謂之小蒜外國有蒜十許子共爲一

株揮幕裏之尤辛于小蒜俗人呼之爲大蒜

賈思勰齊民要術

種蒜

說文曰蒜葷菜也博物志曰張騫使西域得大蒜

胡荽延篤曰張騫大宛之蒜又有胡蒜澤蒜也

蒜宜良輓地

白輓地甜美而科大黑輓及剛強地辛辣而瘦小

三遍熟耕九月初種種法黃陽時以糝糶逐壁手

下之五寸一株

諺曰左右過鋤一萬餘株

空曳旁二月半鋤之令滿三遍

勿以無草而不鋤不鋤則科小

條拳而軋之不軋則獨科

古今圖書集成

博物彙編草木典第五十七卷蒜部

第五三六冊 之〇五葉

葉黃鋒出則辯于屋下風涼之處析之

早出者皮赤科堅可以遠行晚則皮壞而善碎
冬寒取穀耕布地一行蒜

不爾則凍死

收條中子種者一年為獨瓣種二年者則成大蒜科
皆如拳又適于凡蒜矣

尾子雙底置獨瓣蒜于瓦上以土覆之蒜料橫闊
而大形容殊則不足以異今并州無大蒜朝歌取

種一歲之後還成百子蒜矣其瓣粗細正與條中
子同蕪菁根其大如碗口雖種他州子一年亦變

大蒜瓣變小蕪菁根變大二事相反其理難推又
八月中方得熟九月中始刈得花子至于五穀蔬

果與餘州早晚不殊亦一異也并州豌豆變井陘
已東山東穀子入壺關上黨苗而無實皆余目所

親見傳信傳疑蓋土地之異者也

種澤蒜法預耕地熟時採取子漫散勞之澤蒜可以
香食吳人調鼎率多用此根葉作菹更勝葱韭此物

繁息一種永生蔓延滋漫年稍廣闊區斷取隨子還
合但種數畝用之無窮種者地熟美於野生

崔寔曰布穀鳴收小蒜六月七月可種小蒜八月可
種大蒜

胡芹小蒜菹法
並暫經小沸湯出下令冷水中出之胡芹細切小蒜
寸切與鹽酢分半奠青白各在一邊若不各在一邊

羅願爾雅翼

釋草蒿山蒜釋曰說文云葷菜也一云菜之美者雲

夢之葷菜生山中者名蒿蒿不注其狀今蒜有大蒜
小蒜本草蜀本注圖經云小蒜野生小者一名蒿苗

葉根子似蒜而細數倍然則小蒜即蕪菁小蒜生葉
時可煮和食至五月葉枯取根名龍子正爾噉之亦

甚蕪菁食之損人不可長服崔寔曰布穀鳴收小蒜
六月七月可種小蒜八月可種大蒜蓋皆謂此爾雅

則以小蒜為蒜大蒜為蒜承俗稱爾孫炎乃云帝登
蒿山遺穢芋草毒將死得蒜乃噉之解毒乃收植之

能殺蟲魚之毒攝諸腥羶則是蒿是山名其上出蒜
耳與郭異說也

多能鄙事

種蒜
熟耕地一二大爬成溝二寸一窠種一瓣苗出高尺
餘類鋤鬆根旁類以糞水澆之拔去薹則薹肥大不

則瘦小澤路種蒜初出如剪韭二三大愈肥美
一說九月初于菜畦中稠栽蒜瓣候來年春二月先

將地熟鋤數次每畝上糞數十擔再鋤耙勻持木架
插一窠栽一株栽偏或無雨常以水澆至五月大如

拳極佳
王世懋瓜蔬疏

蒜
蔥蒜薤與韭雖俱五葷而為人所常用
王圻三才圖會

小蒜也處處有之生田野中根苗皆如葫而極細小
五月五日採味辛溫有小毒歸脾腎主霍亂腹中不

蒜

安消穀理胃溫中除邪解毒氣一名夏蒜

徐光啓農政全書

蒜
說文曰蒜葷菜也按初中國止有小蒜一名澤蒜餘
唯山蒜石蒜自張騫使西域得大蒜種歸種之今京

口有蒜山多出蒜蒜有大小之異大曰葫即今大蒜
每頭六七瓣收條中子種者一年為獨蒜再種之則

皆六七瓣矣小曰蒜葉似細葱而濃頭小如薤即今
山蒜也

王禎曰性熱而有小毒氣極單然以入吳肉掩臭氣
夏月食之解暑辟瘴氣北方食餅肉不可無此家有

其種多者收一二頃以供歲計今在在種之
農桑通訣曰一種澤蒜可以香食吳人調鼎率多用

此根解蛆更勝葱韭此物易滋蔓隨斷隨合熟時採
子漫散種之按諸菜之葷者惟宜採鮮食之經日則

不美惟蒜雖久而味不變嫩薹亦可為蔬
又曰種法半尺地一根鋤治令淨時加糞壅菜上一

尺許漸漸撥開上頭土見白則本大不爾止益草耳
或結葉亦佳

四時類要曰種蒜作行下糞水澆之
務本新書蒜畦栽每窠先下麥糠小許池宜虛春暖

則鋤拔薹時頻澆例麥時人多食解暑毒蒜於肥地
鋤成溝壟隔二寸栽一科糞水澆之八月初可種或

以牛糞草鞋小便浸之將種包在內一夾糞土栽之
上糞令厚其大如碗

澤蒜

又名小蒜生田野中今處處有之生山中者名蒿苗

似細韭菜中心痕莖開淡粉紫花根似蒜而甚小味辛性溫有小毒又云熱有毒

救饑

採苗根作羹或生淹或燂熟油鹽調皆可食

本草綱目

蒜釋名

李時珍曰蒜字從蒜音蒜諧聲也又象蒜根之形中國初惟有此後因漢人得胡蒜於西域遂呼此爲小蒜以別之故伏候古今注云蒜卵蒜也俗謂之小蒜胡國有蒜十子一株名曰胡蒜俗謂之大蒜是矣蒜乃五葷之一故許氏說文謂之葷菜五葷即五辛謂其辛臭昏神伐性也據形家以小蒜大蒜韭芸薹胡荽爲五葷道家以韭薤蒜芸薹胡荽爲五葷佛家以大蒜小蒜與渠蔥薤爲五葷與渠即阿魏也雖各不同然皆辛蕕之物生食增恚熟食發淫有損性靈故絕之也

集解

別錄曰蒜小蒜也五月五日采之

陶弘景曰小蒜生葉時可煮和食至五月葉枯取根名亂子正爾噉之亦甚薰臭

韓保昇曰小蒜野生處處有之小者一名亂音亂一名菑音力苗葉根子皆似葫而細數倍也爾雅云菑山蒜也說文云菑葷菜也菜之美者雲夢之葷生山中者名菑

蘇頌曰本草謂大蒜爲葫小蒜爲蒜而說文所謂葷菜者乃大蒜也菑即小蒜也書傳載物之別名不同如此用藥不可不審

寇宗奭曰小蒜即菑也苗如蔥針根白大者如烏芋子兼根煮食謂之宅蒜

李時珍曰家蒜有二種根莖俱小而瓣少辣甚者蒜也小蒜也根莖俱大而瓣多辛而帶甘者葫也大蒜也按孫炎爾雅正義云帝登蒿山遺蒼芋毒將死得蒜嚼食乃解遂收植之能殺腥羶蟲魚之毒又孫愐唐韻云張騫使西域始得大蒜種歸據此則小蒜之種自蒿移裁從古已有故爾雅以蒿爲山蒜所以別家蒜也大蒜之種自胡地移來至漢始有故別錄以蒿爲大蒜所以見中國之蒜小也又王禎農書云一種澤蒜最易滋蔓隨斷隨合熟時采子漫散種之吳人調鼎多用此根作筍更勝葱韭也按此正別錄所謂小蒜是也其始自野澤移來故有澤名而寇氏誤作宅字矣諸家皆以野生山蒜澤蒜解家蒜之小蒜皆失於詳攷小蒜雖出於蒿既經人力栽培則性氣不能不移故不得不辨

蒜氣味

辛溫有小毒

陶弘景曰味辛性熱損人不可長食

孫思邈曰無毒三月勿久食傷人志性黃帝書云同生魚食令人奪氣陰核疼

吳瑞曰脚氣風病人及時病後忌食之

主治

別錄曰歸脾腎主霍亂腹中不安消穀理胃溫中除邪瘴毒氣

陶弘景曰主溪毒

陳日華曰下氣治蠱毒傳蛇蟲沙蟲瘡

蘇恭曰此蒜與胡葱相得主惡殺毒山溪牛沙蠱木毒大效山人狸獠時用之

孟詵曰塗丁腫甚良

葉主治

孫思邈曰心煩解諸毒小兒丹疹

發明

蘇頌曰古方多用小蒜治中冷霍亂糞汁飲之南齊褚澄治李道念雞殺便瘰

寇宗奭曰華陀用蒜薤即此蒜也

李時珍曰按李延壽南史云李道念病已五年丞相褚澄診之曰非冷非熱當是食白淪雞子過多也取蒜一升煮食吐出一物涎裏視之乃雞雞翅足俱全澄曰未盡也更吐之凡十二枚而愈或以蒜字作蘇字者誤矣後漢書華陀傳云陀見一人病噎食不得下令取餅店家蒜薑大醋二升飲之立吐一蛇病者懸蛇于車造陀家見壁北懸蛇數十乃知其奇又夏子益奇疾方云人頭面上有光他人手近之如火熾者此中蠱也用蒜汁半兩和酒服之當吐出如蛇狀觀三書所載則蒜乃吐蠱要藥而後人鮮有知者

附方

時氣溫病初得頭痛壯熱脉大即以小蒜一升杵汁三合頓服不過再作便愈

霍亂脹滿不得吐下名乾霍亂小蒜一升水三升煮一升頓服

霍亂轉筋入腹殺人以小蒜鹽各一兩搗傳臍中灸七壯立止

積年心痛不可忍不拘十年五年者隨手見效濃醋

養小蒜食飽勿著鹽曾用之有效再不發也手集
水毒中人一名中溪一名中淫一名水病似射工而

無物初得惡寒頭目微疼旦醒暮劇手足逆冷三日
則生蟲食下不痒不痛過六七日蟲食五臟注下不

禁以小蒜三升煮微熱大熱即無力以浴身若身發
赤斑文者毋以他病治之也方附后

射工中人成瘡者取蒜切片貼瘡上灸七壯千金方
止截瘡疾小蒜不拘多少研泥入黃丹少許丸如芡

子大每服一丸面東新汲水下至妙唐方
陰腫如刺汗出者小蒜一升韭根一升楊柳根一升

酒三升煎沸乘熱薰之方永發
惡核腫結小蒜吳茱萸等分搗傳即散方附后

五色丹毒無常及發足蹠者將蒜厚傳頻易方附后
小兒白禿頭上團團白色以蒜切口指之方附后

蛇蠍蟻入小蒜搗汁服以滓傳之方附后
蜈蚣咬瘡嚼小蒜塗之良方附后

蚰蜒入耳小蒜洗淨搗汁滴之未出再滴李時珍
山蒜集解

蘇頌曰江南一種山蒜似大蒜而臭
陳藏器曰澤蒜根如小蒜葉如韭又生石間者名石

蒜與蒜無異
李時珍曰山蒜澤蒜石蒜同一物也但分生於山澤

石間不同耳人間栽時小蒜始自三種移成故猶有
澤蒜之稱爾雅云蔣山蒜也今京口有蒜山產蒜是

也處處有之不獨江南又呂忱字林云落水中蒜也
則蒜不但產于山而又產于水也別有山慈姑水仙

吳氣味

辛溫無毒

主治

蘇頌曰山蒜治積塊及婦人血瘕用苦醋磨傳多效
陳藏器曰澤蒜石蒜並溫補下氣滑水源

高謙遵生八牋
蒜苗乾

蒜苗切寸段一斤鹽一兩淹出臭水略晾乾拌醬糖
少許蒸熟曬乾收藏

做蒜苗方
苗用些少鹽淹一宿晾乾湯焯過又晾乾以甘草湯

拌過上飯蒸之曬乾入甕

大蒜圖



羅願爾雅異

蒜

蒜有大小大蒜為葫小蒜為蒜本草所別葫又稱胡
蒜陸法言切韻曰張騫使西域得大蒜胡荽則此物

漢始有之以自胡中來故名胡蒜爾雅宜其輟地三
遍熟耕之五寸一株諺曰左右通鋤一萬餘株收條

中種者一年為獨種二年者則成大蒜科皆如牽
又逾於凡蒜矣今并州無大蒜朝歌取種一歲之後

還成百子蒜其瓣粗細正與條中子同其蔓菁根大
如槐口雖種他州子一年亦變然大蒜瓣變小蔓菁

根變大二事相反其理難推又八月中方得熟九月
中始刈得花子至于五穀蔬果與餘州早晚不殊亦

一異也又并州豌豆度井陘以東山東穀子入壺關
上黨苗而無實信土地之異也葫性最重不可食俗

人作醬以醢魚肉久食傷人損目明齋叔夜養生論
曰薑辛害目謂之葷菜也此為甚爾說者乃又曰此

物煮為羹膾極美葷氣亦微又云初食不利目多食
却明久食令人血清似皆好食者之辭今北人以大

蒜等塗體愛其芳氣又以護寒且生嗽之南人所不
習效之者無不目腫

王圻三才圖會
葫

葫大蒜也處處有之每頭六七瓣初種一瓣當年便
成獨子葫至明年則復其本矣花中有實亦葫瓣狀

而小亦可種之五月五日採用味辛溫有毒主散癰
腫驅除風邪殺毒氣久食損目明
本草綱目

胡釋名

陶弘景曰今人謂胡爲大蒜蒜爲小蒜以其氣類相似也

李時珍曰按孫愐唐韻云張壽使西域始得大蒜胡荽則小蒜乃中土舊有而大蒜出胡地故有胡名二蒜皆屬五葷故通可稱葷詳見蒜下

集解

別錄曰葫大蒜也五月五日采獨子者入藥尤佳

韓保昇曰葫出梁州者大徑二寸最美少辛涇陽者皮赤甚辣

蘇頌曰今處處園圃種之每顆六七瓣初種一瓣當年便成獨子葫至明年則復其本矣其花中有實亦作葫瓣狀而極小亦可種之

李時珍曰大小二蒜皆八月種春食苗夏初食薑五月食根秋月收穫北人不可一日無者也

氣味

辛溫有毒久食損人目

陶弘景曰性最薰臭不可食俗人作醬以菹鱸肉損性伐命莫此之甚惟可生食不中煮也

蘇恭曰此物養羹臠爲饌中之俊而陶云不中煮當是未經試耳

陳藏器曰初食不利目多食却明久食令人血清使毛髮白

李時珍曰久食傷肝損眼故醫家養生論云葷辛害目此爲甚耳今北人嗜蒜宿炕故自瞽最多陳氏乃云多食明目與別錄相左何耶

朱震亨曰大蒜屬火性熱喜散快膈善化肉暑月人

多食之傷氣之禍積久自見養生者忌之化肉之功不足論也

蘇頌曰多食傷肺傷脾傷肝膽生痰助火昏神

孫思邈曰四月八月食葫傷神令人喘悸口味多爽多食生葫行房傷肝氣令人面無血色生葫合青魚鮮食令人腹內生瘡腸中腫又成痢瘵發黃疾合蜜食殺人凡服一切補藥不可食之

主治

別錄曰歸五臟散癰腫瘰癧除風邪殺毒氣

蘇恭曰下氣消穀化肉

陳藏器曰去水惡痒氣除風濕破冷氣爛瘰癧伏邪惡宣通溫補瘰癧瘰癧殺鬼去痛

陳日華曰健脾胃治腎氣止霍亂轉筋腹痛除邪祟解溫疫癘勞瘵冷風傳風損冷痛惡瘡蛇蟲蠱毒溪毒沙蟲並瘡貼之熱醋浸經年者良

寇宗奭曰溫水搗爛服治中暑不醒搗貼足心止鼻衄不止和豆豉丸服治暴下血通水道

李時珍曰搗汁飲治吐血心痛煮汁飲治角弓反張同鯽魚丸治膈氣同蛤粉丸治水腫同黃丹丸治痢瘵孕痢同乳香丸治腹痛瘵瘵數瘵能達下焦消水利大小便貼足心能引熱下行治泄瀉暴痢及乾濕霍亂止衄血納肛中能通幽門治關格不通

發明

寇宗奭曰葫氣極重置臭肉中反能掩臭凡中暑毒人爛嚼三兩盪溫水送之下咽即知但禁飲冷水又鼻衄不止者搗貼足心衄止即拭去

李時珍曰葫蒜入太陰陽明其氣薰烈能通五臟達

諸竅去寒濕辟邪惡消癰腫化癰積肉食此其功也

故王禎稱之云味久不變可以資生可以致遠化臭腐爲神奇調鼎俎代醢醬攜之旅塗則炎風瘴雨不能加食獨腊毒不能害夏月食之解暑氣北方食肉麪尤不可無乃食經之上品日用之多助者也蓋不知其辛能散氣熱能助火傷肺損目昏神伐性之害

往再受之而不悟也嘗有一婦衄血一晝夜不止諸治不效時珍令以蒜傅足心即時血止真奇方也又葉石林避暑錄云一僕暑月馳馬忽仆地欲絕同食王相教用大蒜及道上熟土各一握研爛以新汲水一瓊和取汁決普灌之少頃即甦相傳徐州市門忽有版書此方咸以爲神仙救人云

陳藏器曰昔有患瘵瘵者夢人教每日食大蒜三顆初服遂至嘔眩吐逆下部如火後有人教取數片合皮截却兩頭吞之各日內食果獲大效也

蘇頌曰經言葫散癰腫按李時珍部手集方云毒瘡腫毒號叫臥眠不得人不能別者取獨頭蒜兩顆搗爛麻油和厚傅瘡上乾即易之屢用救人無不神效盧坦侍郎肩上瘡作連心痛悶用此便瘳又李僕射患腦癰久不瘳盧與此方亦瘳又葛洪肘後方云凡背腫取獨頭蒜橫截一分安腫頭上炷艾如梧子大灸蒜百壯不覺漸消多灸爲善勿令大熱若覺痛即

舉起蒜蒜更換新者勿令損皮肉洪嘗苦小腹下患一大腫灸之亦瘳數用灸人無不應效又江寧府紫極宮刻石記其事云但是發背及癰疽惡瘡瘰核初起有異皆可灸之

不計壯數惟要痛者灸至不痛不痛者灸至痛極而止瘵贅之類灸之亦便成痂自

脫其效如神乃知方書無空言者但人不能以意詳審則不得盡應耳

李時珍曰按李迅論蒜錢灸法云癰疽之法著灸勝于用藥緣熱毒中隔上下不通必得毒氣發洩然後解散凡初發一日之內便用大獨頭蒜切如小錢厚貼頂上灸之三壯一易大聚以百壯為率一使瘡不開大二使肉內不壞三瘡口易合一舉而三得之但頭及項以上切不可用此恐引氣上更生大禍也又史源記蒜灸之功云母氏背脾作痒有赤暈半寸白粒如黍灸二七壯其赤隨消宿有赤流下長二寸舉家歸咎於灸外醫用膏護之日增一暈二十二日橫斜約六七寸痛楚不勝或言一尼病此得灸而愈予奔問之尼云劇時昏不知人但聞范奉議坐守灸八百餘壯方甦約艾一節子座歸以往如銀杏大灸十數殊不覺乃灸四旁亦處皆痛每一壯爐則赤隨縮入三十餘壯赤暈收退蓋灸遲則初發處肉已壞故不痛直待灸到好肉方痛也至夜則火熾滿背瘡高阜而熱夜得安寢矣至曉如覆一甌高三四寸上有數百小竅色正黑調理而安蓋高阜者毒外出也小竅多毒不聚也色正黑皮肉壞也非艾火出其毒於壞肉之裏則內逼五臟而危矣庸醫數貼涼消散之說何可信哉

附方

背瘡灸法凡覺背上腫硬疼痛用濕紙貼尋瘡頭用大蒜十顆淡豉半合乳香一錢細研隨瘡頭大小用竹片作圈圍定填藥於內二分厚著艾灸之痛灸至痒痒灸至痛以百壯為率與蒜錢灸法同功

外科

疔腫惡毒用門白灰一撮羅細以獨蒜或新蒜臺染灰擦瘡內候瘡自然出少汗再擦少頃即消散也雖發背癰腫亦可擦之

五色丹毒無常色及發足踝者搗蒜厚傅乾即易之

關格脹滿大小便不通獨頭蒜燒熟去皮綿裹納下部氣立通也

乾濕霍亂轉筋用大蒜搗塗足心立愈

水氣腫滿大蒜出螺車前子等分熬膏攤臍中水從便泄而下數日即愈象山民人患水腫一卜者傳此用之有效

山嵐瘴氣生熟大蒜各七片共食之少頃腹鳴或吐血或大便泄即愈

瘡疾寒熱肘後用獨頭蒜炭上燒之酒服方寸匕簡便方用桃仁半片放內關穴上將獨蒜搗爛卷之縛住男左女右即止鄰姬用此治人屢效

普濟方端午日取獨頭蒜煨熟入礬紅等分搗丸芥子大每白湯嚼下一丸

寒瘧冷痢端午日以獨頭蒜十箇黃丹二錢搗丸梧子大每服九丸長流水下甚妙

泄瀉暴痢大蒜搗貼兩足心亦可貼臍中

下痢禁口及小兒泄痢方並同上

賜毒下血蒜連丸用獨蒜煨搗和黃連末為丸日日米湯服之

暴下血病用葫五七枚去皮研膏入豆豉搗丸梧子大每米飲下五六十九丸無不愈者

餅子厚一豆許左鼻血出貼左足心右鼻血出貼右足心兩鼻俱出俱貼之立癒

血逆心痛生蒜搗汁服二升即愈

鬼疰腹痛不可忍者獨頭蒜一枚香墨如棗大搗和醬汁一合頓服

心腹冷痛法醋浸至二三年蒜食至數顆其效如神

夜啼腹痛面青冷證也用大蒜一枚煨研日乾乳香五分搗丸芥子大每服七丸乳汁下

寒濕氣痛端午日收獨蒜同辰粉搗塗之

鬼毒風氣獨頭蒜一枚和雄黃杏仁研為丸空腹飲下三九靜坐少時當下毛出即安

狗咽氣塞喘息不通須臾欲絕用獨頭蒜二枚削去兩頭塞鼻中左患塞右右患塞左候口中膿血出立效

喉痹腫痛大蒜塞耳鼻中日二易之

魚骨哽咽獨頭蒜塞鼻中自出

牙齒疼痛獨頭蒜煨熟切熨痛處轉易之亦主蟲痛

眉毛動搖目不能交睫喚之不應但能飲食用蒜三兩杵汁調酒飲即愈

頭風苦痛易簡方用大蒜研汁噴鼻中

大蒜七箇去皮先燒紅地以蒜逐箇于地上磨成膏子却以蠟置一兩去頭足安蒜上碗覆一夜勿令透氣只取蠟研末噴入鼻內口中含水甚效

小兒驚風總錄方同上

小兒臍風獨頭蒜切片安臍上以艾灸之口中有蒜氣即止

小兒氣淋宋寧宗為郡王時病淋日夜凡三百起國醫罔措或舉孫琳治之琳用大蒜淡豆豉蒸餅三物

一明日亦然三日病除已而果然賜以千緡或問其說琳曰小兒何緣有淋只是水道不利三物皆能通利故也

產後中風角弓反張不語用大蒜三十瓣以水三升煮一升灌之即愈

金瘡中風角弓反張取蒜一升去心無灰酒四升煮極爛并滓服之須臾得汗即癒

婦人陰腫作痒蒜湯洗之效乃止

陰汗作痒大蒜淡豉搗九倍于大硃砂為衣每空腹燈心湯下三十丸

小便淋瀝或有或無用大蒜一箇紙包煨熟露一夜空心新水送下

小兒白禿團團然切蒜日日搗之

閉口椒毒氣閉欲絕者煮蒜食之

射工溪毒獨頭蒜切三分厚貼上灸之令蒜氣射入即癒


蜈蚣螫傷獨頭蒜摩之即止

蛇虺螫傷孟詵曰即時嚼蒜封之六七易仍以蒜一升去皮以乳二升煮熟空心頓服明日又進外以去皮蒜一升搗細小便一升煮三四沸浸損處

食蟹中毒乾蒜煮汁飲之

蛇瘕面光發熱如火炙人飲蒜汁一盃吐出血如蛇狀即安

老鴉蒜圖



徐光啓農政全書

老鴉蒜考

生水邊下濕地中其葉直生出土四垂葉狀似蒲而短背起劍脊其形根如蒜瓣味甜

救饑

採根燉熟水浸淘淨油鹽調食元憲先生曰此草中顏料用

本草綱目

石蒜釋名

李時珍曰石蒜又名一枝箭鐵色箭以根狀名箭以莖狀名

蘇頌曰木麻生鼎州黔州其根名石蒜九月采之或云金燈花根亦名石蒜即此類也

李時珍曰石蒜處處下濕地有之古謂之烏蒜俗謂之老鴉蒜一枝箭是也春初生葉如蒜秧及山慈姑

葉背有劍脊四散布地七月苗枯乃于平地抽出一莖如箭幹長尺許莖端開花四五朵六出紅色如山

丹花狀而瓣長黃蕊長鬚其根狀如蒜皮色紫赤肉白色此有小毒而救荒本草言其可燉熟水浸過食

蓋為救荒爾一種葉如大韭四五月抽莖開花如小萱花黃白色者謂之鐵色箭功與此同二物並抽莖

開花後乃生葉葉花不相見與金燈同

根氣味

辛甘溫有小毒

主治

蘇頌曰傳貼腫毒

李時珍曰疔瘡惡核河水煎服取汁及搗傳之又中溪毒者酒煎半升服取吐夏

附方

便毒諸瘡一枝箭搗爛塗之即消若毒大甚者洗淨以生白酒煎服得微汗即愈

產鴨脫下老鴉蒜即蒜頭草一把以水三盞煎一盞半去滓熏洗神效

小兒驚風大叫一聲就死者名老鴉驚以散麻纏住脅下及手心以心燈火爆之用老鴉蒜曬乾車前

子等分爲末水調貼手心仍以燈心燂手足心及肩膊眉心鼻心即醒也王日新小兒方

蒜部藝文

詩

項在嶠南其人好食檳榔合蠟灰薑藤食之輒昏然已而醒快三物合和唾如膿血可厭今來

蜀道又爲食蒜者所薰戲題 宋范成大

旅食諸殊俗堆盤駭異聞南餐灰薦蠟巴饌菜先葷幸脫薑藤醉還遭胡蒜薰絲葷鄉味好歸夢水連雲

蒜部紀事

爾雅孫炎正義黃帝登嵩山遭嶺羊毒得蒜嚼食乃解遂收植之能殺腥羶蟲魚之毒

後漢書周黃徐姜傳序太原閔仲叔者世稱節士雖周黨之潔清自以弗及也黨見其含菽飲水遺以生蒜受而不食

東觀漢記李恂爲兖州刺史所種園小麥胡蒜悉付從事無所留

袁子正書袁子曰吾嘗與陳子息於鄴東門外見一

老父方坐而食其子投之蒜食必有餘欲棄則惜欲持去則暑遂盡食於是太辛齎其腸胃兩目盡赤陳子笑之吾謂曰子之家中牛羊數千而不敢食天暑有暍死者而後食之病子之軀亦猶是也

魏志華佗傳佗行道見一人病咽塞嗜食而不得下家人車載欲往就醫佗聞其呻吟駐車往視語之曰向來道邊有賣餅家蒜齏大酢從取三升飲之病自當去卽如佗言立吐蛇一枚縣車邊欲從佗尚未還小兒戲門前逆見自相謂曰似逢我公車邊病是也疾者前入坐見佗北壁縣此蛇輩約以十數

王隱晉書鄒說母病苦車及亡不欲車載乃養雞種蒜得馬八匹輿棺至家

晉四王起事成都王穎奉惠帝還洛陽道中於客舍作食官人持斗餘梗米飯以供至尊大蒜鹽豉到獲嘉市蠶米飯瓦孟盛之天子噉兩孟燥蒜數枚鹽豉而已

南齊書張融傳融爲司徒從事中郎豫章王大曾資僚融食炙始行畢行炙人便去融欲求鹽蒜口終不言方搖食指半日乃息

唐書宗楚客傳楚客諷趙延禧陳符命以媚帝曰去六月九日內出瑞蒜也

因話錄裴晉公不喜服食每語人曰雞猶魚蒜遇著卽食

清異錄蒜五代宮中呼麝香草

圖經京口有蒜山多生大蒜

蒜部雜錄

抱朴子齊麥大蒜仲夏而枯

顏氏家訓三輔決錄云前除大夫范仲公鹽豉蒜果共一箇果當作魏顆之類北土遍呼物一由改爲一顆蒜顆是俗間常語耳故陳思王鶴雀賦曰頭如蒜顆目似花椒江南但呼爲蒜符不知謂爲顆學士相承讀爲裹結之裏言鹽與蒜共包一裹內箇中耳正史割繁音義又音蒜顆爲苦戈反皆失也齊民要術說文曰菜之美者雲夢之薺菜

種樹書種花藥處栽數株蒜遇腐香則不損物類相感志食蒜令口中不臭用生薑裹子同食香圓去蒂以大蒜搗爛醋蒂上則滿室香更以濕紙圍蓋上

吳下田家志種蒜宜戊辰辛未戊申丙子壬辰癸巳辛丑

蒜部外編

蓮社高賢傳曇翼入秦望山誦法華經十有二年感普賢大士化女子身披采服攜鈴籠一白豕大蒜兩根至師前託宿夜半呼腹疼告師摩按師辭以持戒不應手觸乃布裹錫杖遂爲按之翌日女以采服化祥雲豕變白象蒜化雙蓮凌空而上謂師曰我普賢菩薩特來相試

寬報記梁廬陵王蕭績在荊州時常遣從事量括民田南陽樂孟卿亦充一使公府舍人韋破面遺試失